

Biligutèe o firunàtt

In di strat in auton, al sa truava a vent castegn,
in di sagri e in di fest de paes, castegna lesàa,
pelàa o cunt al goss e rustii atretant.....

“ Vegni che a gustà i cuni, e j firon, delisa per tocc “
I castegn cot, venivan vendu in scartoss de carta
cunt la forma del pidrieu, se gustavan a pasegià,
al firunatt al vendiva i castegn, infilaa a vuna vuna,
a furmavan una culana, soj bancarej e dent di grant ceston,
se truava la garansia de sto prelibasion, un prufom
de legna brusada, un prufom de castegna, una virtoeu
che la se spandiva, in de l' aria dela piasa, prufom
de caramelaa e fomm insèma, una vera delisia del palato.
Al firunatt, al furmava la trecia de castegn, cunt quej
puse bej e delsiuss, ja faseva coss un mumenten,
per sugaj e cunservaj, per dopu meti in una solusion
vinusa e infilsaj per fa culana, ste lavurasion la cumpurtava
una vera tradision, cunt una gugia de casular e un toch
de spach, se faseva la trecia de castegn, ghe vuriva
de temp per preparà una prelibasion delisiusa.
Al vendidu de castagn tradisiual, a lè spari competament,
dificil truà anca mò, quel che ier al' era una delisia
per i sagri e i fest de paes.....pasiensa, anca quest
lè andà in pension, cunt tocc i so culani de castegn.

18-10-2017